

YES Aruba:

'International Business Seminar' ta e di 3 evento consecutivo completamente bendi



Diahuebs ultimo e entrepreneur nan nobo di Aruba tawata presente na un otro evento di YES Aruba caminda a combersa over di 'International Business'.

Pa e evento aki YES Aruba, hunto cu Free Zone Aruba N.V. kier a duna mas informacion tocante e posibilidad di haci negoshi afo. Cu e meta aki nan a invita 2 orador e anochi ey. E prome orador tawata Bert Vermaas di VCC International. Bert Vermaas ta situa den Free Zone y ta haci negoshi cu varios isla den Caribe y otro pais nan rond mundo. E otro orador tawata Carlos Maduro di Office Systems Aruba, cu a splica tocante 'Exporting Opportunities'.

Segun Ramsis Arends, miembro di directiva di YES Aruba a bisa: "E diferencia den e dos oradornan ta net loke nos tawata busca. VCC International ta exporta un servicio (software), algo cu por wordo haci via un oficina.



Den e otro banda bo tin Office Systems cu tin producto fisico, cu mester tene cuenta cu varios otro aspecto manera transportacion".

Manera tur otro evento di YES Aruba, e anochi a caba cu un sesion di contacto caminda tawata tin bebida y snacks gratis.

Hashvin Daryanani, otro miembro di directiva di YES Aruba a splica "Tin diferente aspecto cu nos kier pa tur nos evento nan inclui, e prome ta e mester ta gratis. Esaki ta haci cu tur hende tin e posibilidad pa ta presente, un otro aspecto ta e sesion di contacto. Si bo a yega di bishita un evento di YES Aruba bo lo por mira cu esaki ta un parti importante di nos evento nan. Hopi



biaha durante e oportunidad pa haci pregunta caba bo ta haya hende ta cuminsa comparti idea nan cu otro".

"Ya caba YES Aruba tin nan siguiente evento den mente, locual nos ta yama YES Connect. Esaki ta un evento caminda no tin un orador oficial pero e publico ta e orador.

Den pasado e reaccion tabata asina positivo cu nos a dicidi pa ripiti evento aki. Pa e evento aki nos ta tuma solamente 30-35 hende, cual ta hopi mas tiki cu nos otro evento nan. Pues nos kier a pidi pa like nos page di Facebook: YES Aruba pa asina bo ta sigur cu bo no lo keda afo", segun Kawish Misier, miem-

bro di directiva.

YES Aruba kier a yama danki un biaha mas na tur cu atende e evento aki, na nos sponsor principal Free Zone Aruba N.V., The Office Aruba y Elite productions. Tambe nos kier a gradici prensa cu semper duna e fundacion atencion.

Tambe nos kier a tuma e oportunidad aki pa invita cualkier compania of organizacion cu kier contribui di un manera of otro na YES Aruba pa tuma contacto cu nos na info@yesaruba.com. YES Aruba kier stimula crecemento di negoshi nan nobo y ta kere hopi den cooperacion cu otro grupo nan. □